



Broj: 01-16-12-1412-8/22
Banja Luka, 20.03/.2023.godine

OL/A-1

21.03.23

Na osnovu člana 7. stav 1. Zakona o sistemu indirektnog oporezivanja u Bosni i Hercegovini ("Službeni glasnik BiH", broj: 44/03), člana 25. Zakona o Upravi za indirektno oporezivanje BiH ("Službeni glasnik BiH" broj 89/05) člana 70. stav 4. Zakona o javnim nabavkama ("Službeni glasnik BiH", broj: 39/14, Direktor Uprave za indirektno oporezivanje, d o n o s i

O D L U K U

o poništenju pregovaračkog postupka bez objave obavještenja za nabavku dijelova sa ugradnjom kao i vršenje usluge održavanja vozila marke Škoda, RC Sarajevo, vozila u garantnom roku

I

Poništava se pregovarački postupak bez objave obavještenja za nabavku dijelova sa ugradnjom kao i vršenje usluge održavanja vozila marke Škoda, RC Sarajevo, vozila u garantnom roku.

II

Postupak poništavanja javne nabavke provest će se shodno odredbama Zakona o javnim nabavkama BiH („Službeni glasnik BiH“, br. 39/14).

O b r a z l o ž e n j e

Odlukom direktora za nabavku dijelova sa ugradnjom kao i vršenje usluge održavanja vozila marke Škoda, RC Sarajevo, vozila u garantnom roku, broj: 01-16-12-1412/22 od 14.06.2022. godine, odobreno je provođenje pregovaračkog postupka bez obavještenja.

Procijenjena vrijednost nabavke je 6.500,00 KM bez PDV.

Slijedom navedene Odluke, dana 09.02.2023.godine izvršeno je objavljivanje poziva za učešće na web stranici ugovornog organa.

Dana 28.02.2023. godine, u prostorijama Središnjeg ureda Uprave za indirektno oporezivanje, Ul. Bana Lazarevića bb, Komisija pristupila je prvoj fazi – uvjeti za kvalifikaciju kandidata, otvaranja pristiglih ponuda.

Komisija konstatuje da je na osnovu Odluke o provođenju pregovaračkog postupka bez objave obavještenja za nabavku dijelova sa ugradnjom kao i vršenje usluge održavanja vozila marke Škoda, RC Sarajevo, vozila u garantnom roku, broj: 01-16-12-1412/22 od 14.06.2022. godine upućen jedan Zahtjev za dostavljanje ponude ponuđaču „Porsche Inter Auto BH“ doo Sarajevo, Bulevar Meše Selimovića br. 16.

Komisija je utvrdila da je blagovremeno pristigla jedna ponuda i to ponuda ponuđača „Porsche Inter Auto BH“ doo Sarajevo, Bulevar Meše Selimovića br. 16, te je pristupila otvaranju ponude.

Komisija je izvršila preispitivanje ponude i validnost dokumentacije u smislu kvalifikovanosti ponuđača, te utvrdila da ponuda ne ispunjava uvjete iz TD.

Uvidom u tačku 4.4.3. TD, ponuđači su u pogledu tehničke i profesionalne sposobnosti, trebali dostaviti u sastavu ponude dokumente koji moraju biti originali ili ovjerene kopije. Uvidom u ponudu utvrđeno je da je ponuđač na strani 42 dostavio diplomu za autoelektričara, koja je neovjerena kopija.

Budući da u pregovaračkom postupku bez objave obavještenja za nabavku dijelova sa ugradnjom kao i vršenje usluge održavanja vozila marke Škoda, RC Sarajevo, vozila u garantnom roku, nijedna od primljenih ponuda nije prihvatljiva, to je shodno odredbi člana 69. stav 2. pod d), Komisija predložila direktoru da se postupak javne nabavke poništi.

Prihvatajući prijedlog Komisije odlučeno je kao u dispozitivu ove odluke.


02/11-1-9
u rad
21.03.23

Pouka o pravnom lijeku:

Ponudač koji smatra da je ugovorni organ u toku postupka izvršio povrede odredbi Zakona o javnim nabavkama ima pravo uložiti žalbu.

Žalba se podnosi Uredu za razmatranje žalbi BiH putem Uprave za indirektno oporezivanje, Ulica Bana Lazarevića bb Banja Luka, u pisanoj formi u tri primjerka, u roku od 10 dana od dana prijema ove odluke. Shodno članu 108. Zakona o javnim nabavkama žalilac je obavezan platiti naknadu za pokretanje žalidbenog postupka.

Uplata naknade vrši se u skladu sa Instrukcijom o načinu uplate, kontrole i povrata naknada propisanih članom 108. Zakona o javnim nabavkama ("Sl. Glasnik BiH", broj:86/2014).



DIREKTOR

Miro Džakula

Dostaviti:

1. 02/1 (2x)
2. 01
3. Arhiva

Ul. Bana Lazarevića bb, 78000 Banja Luka, tel: 051/335-100, fax: 051/335-101
Ул. Бана Лазаревића бб, 78000 Бања Лука, тел: 051/335-100, факс: 051/335-101